



越城縣廣勝寺

大宋新譯三藏聖教序

六張

封

御製

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀日歲月煙蘿起香界之自遠巍巍罕測杳難名所以道資十聖德被三賢至道起於乾元衆妙生乎太易摠繁形類竅鑿昏明絕彼是非開茲蒙昧有西域法師天息災等常持四忍早悟三乘翻

佛說解憂經

第三卷

封字

貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成障礙救諸疲羸冥昧慈悲浩汙物表柔伏貪佞啓滌昏愚演小乘聲聞合其儀論大乘正覺立其性合靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方樹花雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閉豈堪序文以示來者如糜螢燭火不足比之於昧日將微蠹量海未能窮盡於深淵者哉

佛說解憂經

夏蓮華嚴經疏卷第廿四 吳承 譯

稽首歸依正等覺 能度無邊大苦海

恒以甘露潤群生 令得涅槃我頂禮
 稽首歸依正法藏 能止無邊苦惱因
 顯示過失利衆生 令獲寂靜我頂禮
 稽首歸依大慈翊 能與世間為福聚
 發行勤修安樂因 善斷輪迴我頂禮
 愛別離最苦 憂火鎮燒然 若欲自安心
 端居作觀想 譬如群鳥獸 暫聚各各飛
 生死人亦然 去何懷憂苦 只自一有死
 衆人皆長生 別離痛不在 親姻須啼泣
 三界大輪迴 無有免斯者 平等受無常
 云何懷憂苦 若人生貪愛 孰知貪火燒
 如彼犂牛身 愛尾遭人殺 世人多迷醉
 欲地發惡道 設盡方便心 不能免離苦
 如彼野鹿鹿 常被師子逐 究竟不能逃
 云何懷憂苦 大地及天上 三界與四生
 未曾得見聞 不受無常者 亦如山野火
 焚燒草木時 不擇花果林 俱時成灰燼
 愚癡諸衆生 顛倒生妄想 身繫無常繩
 無人能可解 色界梵世中 禪味為安樂
 亦如樹臨河 不久風水壞 百億轉輪王
 千萬天帝釋 念念即無常 如風吹燈焰
 過去大神仙 五通心自在 往復騰空行
 猶被無常取 金剛堅固身 尚自示寂滅

凡識如芭蕉 去何欲久住 大地妙高山
 及以四大海 劫壞亦歸空 何況衆生趣
 龍居深海裏 眷屬常圍繞 金翅鳥能食
 別離苦亦亦 或入往他界 欲避於無常
 如入摩竭魚 口中求安隱 如是欲色界
 及彼非非想 未有於一物 不被無常吞
 唯有正等覺 是真依仗處 信受汝諦聽
 能解諸憂惱

如是我聞一時佛在舍衛國祇樹給
 孤獨園介時世尊告苾芻言衆生無
 數輪迴無邊如蟻循環無有窮盡衆
 生貪愛無明障閉如陷泥中而不能
 出過去有情輪迴往復數不能知苾
 芻所有大地之土都聚一起和為泥
 丸大小如豆數被衆生無始劫來所
 生父母子孫每一人下一泥丸如是
 泥丸下盡父母子孫數不能盡苾芻
 如是無邊輪迴衆生貪愛無明顛倒
 陷愛欲泥中生死輪迴不知其數是
 故令汝學斷輪迴佛言苾芻如是補
 特伽羅輪迴衆生以骨作聚如妙高
 山不壞不爛如是無學聲聞證四聖
 諦了知此苦真實為苦苦滅盡苦聖

諦彼補特伽羅見此屍骨不知是苦
 亦不能滅三界煩惱若滅三界煩惱
 證須陀洹不空法決定得菩提由於
 七生天人之中作斷輪迴除滅煩惱
 七生滿已聖諦現前正見智慧滅盡
 餘惑到涅槃寂靜彼補特伽羅方得
 解脫輪迴之苦

佛言苾芻如人眷屬手相愛樂以貪
 愛故廣造諸業生死輪迴譬如野象
 陷泥坑中無有出期又彼眷屬如恒
 河沙父母養育皆如親子至後世中
 隨其報應各各不同或為僕從或為
 冤家互相瞋恨欺辱打罵或為傍類
 手相食噉或被殺害如是種種諸趣
 輪迴如七仙衆或聚或散亦如天雨
 生其水漚或生或滅如是衆生愚癡
 大力迷惑顛倒不了輪迴於其眷屬
 妄生樂想造種種業未有須臾得清
 淨住又彼有情無始輪迴入地獄中
 所飲銅汁過大海水如彼豬狗食不
 淨物如妙高山又彼有情生死別離
 愛慈泣淚亦如海水又彼有情更相
 殺害積聚彼頭過梵天界蟲食膿血

亦如海水又餓鬼趣以宿慳貪受飢渴苦如遇飲食即成煙焰鬼報滿已設生人中貧窮飢困種種苦惱說不能盡又彼有情以修福善生忉利天等境界殊勝恒受快樂貪愛熾盛如火燒乾草報壽盡時即墮惡趣譬如飛禽折其兩翼利那落地受種種苦是故汝等學斷輪迴速求解脫

佛言苾芻譬如江河大地日月星辰須彌盧山及諸聚落世界未壞而得久住常在世間今此經典亦復如是世界未壞法亦久住於意云何為與一切有情止息輪迴故苾芻聞已信受奉行

佛說解憂經

佛說解憂經

校勘記

- 一 底本，金藏廣勝寺本。
- 一 四三〇頁中一行至本頁下二〇行序文，諸本無。
- 一 四三〇頁下二一行經名，石作「佛說解憂經一卷」。卷末經名同。
- 一 四三〇頁下二二行譯者，資、碩、普作「三藏法師法天奉詔譯」；南、清作「宋三藏法師法天奉詔譯」。
- 一 四三一頁中一五行「如豆」，資、碩、普、南、徑、清作「豆如」。
- 一 四三一頁中二〇行第四字「學」，石作「覺」。
- 一 四三一頁下一〇行第二字「泥」，碩、普、南作「陷」。
- 一 四三一頁下一三行首字「寃」，徑作「怨」。
- 一 四三一頁下二二行第四字「淚」，碩、普、南、徑、清作「淚」。

一 四三二頁上一一行第七字「今」，南、徑、清作「令」。